

Ekonomi terus berkembang: PM

KUALA LUMPUR - Perdana Menteri, Datuk Seri Najib Tun Razak berkata, sungguhpun ekonomi Malaysia terus berkembang, dasar luarnya tidak berubah.

Sebagai negara perdagangan, katanya, Malaysia bergantung kepada laluan perkapalan terbuka, keamanan dan institusi yang pesat mempromosi undang-undang antarabangsa dan menyokong norma-norma antarabangsa.

"Ketika kita meningkatkan rangkaian nilai dan mengeluarkan modal insan yang lebih intelektual, barangan yang kita dagangkan akan berubah menjelang penyepaduan ekonomi serantau, begitu juga kaedahnya, namun dasar luar tetap sama," katanya semasa melancarkan Persidangan Misi Ketua Perwakilan Kelapan, semalam.

Najib berkata, diplomasi Malaysia dibentuk oleh tiga faktor utama bergantung kepada perdagangan, l-kasi strategik dan demografi.

Beliau berkata, Malaysia terus bergantung kepada perdagang-

an, dengan dagangan berjumlah 160 peratus berbanding keluaran negara kasar (PNK).

"Walaupun persekitaran luar yang mencabar, dagangan kita meningkat 4.6 peratus tahun lalu dan diunjur tumbuh 5.2 peratus tahun ini," kata Najib yang juga Menteri Kewangan.

Najib berkata, kedudukan negara yang strategik di tengah-tengah rantau, dikelilingi kuasa besar sedia ada dan akan datang.

Menurutnya, pertumbuhan ekonomi yang pesat dan sumber asli meningkatkan minat pelabur ke Asia, yang kini pesat menjadi pusat baharu dalam dunia pelbagai polar.

"Rantau paling ramai penduduk di bumi akan menjadi rantau paling makmur; yang kini mendapat perhatian utama global," katanya.

Namun, faktor yang mencorakan diplomasi Malaysia seterusnya ditentukan oleh trend luar.

"Dan di sini, bumi yang kita pijak, sedang berubah, dengan andai-an lama digantikan, dan yang baharu muncul," katanya.



Najib beramah mesra bersama peserta yang menghadiri majlis perasmian dan dialog persidangan ketua-ketua perwakilan ke-8 di Institut Diplomasi dan Hubungan Luar Negeri (IDFR), semalam.

Najib berkata, trend global dan serantau ini memerlukan diplomasi negara untuk menyesuaikan diri dengan tekanan dan peluang alaf baharu.

Persidangan tujuh hari itu bermula Sabtu lalu dengan tema "Mentransformasikan Diplomasi Malaysia Ke Arah 2020 dan Melepasiya."

Program turut dihadiri 150 peserta yang terdiri daripada ketua perwakilan, ketua jabatan/ketua pengarah dan timbalan ketua pengarah/setiausaha bahagian.-Bernama